

Comision Celebracion Dianan Nacional ta informa

Luna di januari na caminda pa celebracion dia di Betico 25 januari 2016



nos ta den pleno celebracion di Aruba su Carnaval cu e manifestacion lo tuma lugar rond Cas di Cultura.

Si nos pensa riba Sr. Gilberto François (Betico) Croes, esaki ta hiba nos riba e meneer di scol cu semper a educa su alumnonan cu yen di amor y a sa di hinca den cada mente di su alumno e importancia di kico ta nos norma y balornan di un pueblo. Un tata

pa su famia y di un famia mas grandi cu tabata su pueblo di Aruba. Betico tabata un persona cu hopi carisma y a sa di gana hopi admiracion y confiansa den e pueblo di Aruba. E deportista cu tabata gusta su pingpong. Awe nos tin nos Status Aparte ta danki na su persona cu a continua cu e lucha aki cu a nace for di den añanan 40.

Betico no tabata kier solamente Status Aparte, sino e

lucha pa un miho bida, un miho futuro, un miho Aruba cu e bos di pueblo ta bos di Dios. Tabata riba dia 2 di april 1992 cu Gobierno di Aruba a decreta Dia 25 di Januari, riba dia di su fecha natal, un dia conmemorativo pa recorda Betico Croes. Dia 25 di januari hisa bo bandera y honra e gran yiu di tera y duna balor na Betico Croes cu ta un persona cu a lucha y a logra pa Aruba su Status Aparte.

Nos di CCDN ta haci un peticion riba e comunidad pa hisa bandera y mira pa bo tin e bandera cu e coloman oficial segun Ley. E coloman corecto di e bandera di Aruba ta Geel: PMS 109C; Cora: PMS 032C; Blanco: PMS Blanco absoluto y e color Blauw: PMS 279C. Por busca bo bandera na Central Magazijn situa na Sabana Blanco # 34-C, telefon 583-0320 of e-mail: bidcm@setarnet.aw

ORANJESTAD – Tur aña nos ta celebra Dia di Betico riba 25 di januari recordando e gran estadista den nos historia politico di Aruba. E aña aki e celebracion protocolar lo tuma lugar pa 5'or di atardi riba Plaza Libertador Gilberto François (Betico) Croes riba Vondellaan.

Mientras cu e manifestacion cultural lo tuma lugar iniciando for di 06:30 p.m. – 09:00 p.m. rond di Cas di Cultura. Esaki pa motibo cu construccionnan ta andando riba e Plaza ya menciona pa reconstrui y drecha Plaza Betico Croes en conexion cu e celebracion di 30 aña di nos Status Aparte y 40 aña di nos Himno y Bandera. Dos celebracion cu Sr. Gilberto François (Betico) Croes tabata un arkitecto den realisacion di esakinan.

Comision Celebracion Dianan Nacional ta ofrece nan disculpa cu pa motibo fuera di nan alcance cu e manifestacion lo no por tuma lugar e aña aki riba Plaza Betico Croes. Mirando tambe cu